



Samlingsbøner

Ein medliturg eller heile kyrkjelyden bed samlingsbøna. Når syndsvedkjenninga er lagd til samlingsdelen, er det ein medliturg som bed samlingsbøna, men heile kyrkjelyden seier fram syndsvedkjenninga.

1

ML | Gud, vi er komne inn ditt heilage hus
for å ta imot det du vil gje oss.
Lat no opp hjarta våre,
så vi kan fornyast i trua på deg.

2

ML | Heilage Gud, vi er samla for ditt andlet
for å møta din kjærleik og di sanning.
Send oss din Ande
og gjer oss opne for det du vil gje oss.
Lat ordet ditt slå rot i hjarta våre,
så Kristus lever i oss, og vi blir eitt i deg
og tener deg i alle ting.

3

ML | Gode Gud, du som gjev liv til alt som lever,
vi prisar deg for alt det vakre på vår jord,
og for alt som lèt oss kjenna at du er god.
Her for ditt andlet bed vi: Gjev oss lyttande øyre,
takksame hjarte og tenande hender,
så vi kan høyra ordet ditt, lovprisa deg for di miskunn,
og i ord og gjerning vitna om dine storverk.

ML | Gud, vi bed.

A | Amen.

4

ML | Herre, eg er komen inn i dette heilage huset ditt for å ta imot det som du Gud
Fader, skaparen min, du Herre Jesus, frelsaren min,
du Heilage Ande, trøystaren min i liv og død, vil gje meg.
Lat no opp hjartet mitt ved din heilage Ande, så eg kan sørgja over syndene mine,

leva i trua på din nåde og saman med heile ditt folk fornyast kvar dag i eit sant og heilagtliv.

5

ML | Gud, du er midt iblant oss.

A | Gud, du er midt iblant oss.

ML | Du omgjev oss på alle sider.

A | Du omgjev oss på alle sider.

ML | Hald oss i di hand.

A | Hald oss i di hand.

6

I og med at denne samlingsbøna inneheld syndsvedkjenning, kan ein utelata syndsvedkjenninga elles i gudstenesta.

Bøna blir sungen som vekselsong mellom liturgen, ML (forsongaren(-ane)) og kyrkjelyden.

L | Trufaste Gud, du gjev oss nytt liv i den heilage dåpen.

I dåpen vert vi merkte med krossteiknet for at vi skal tilhøyra deg. □

ML | Vi er dine born. Forny i dag vår tru og vår kjærleik.

Liturgen auser opp vatn tre gonger frå døypefonten, slik ein gjer det ved dåpen.

L | Som regnbogen lyser dine lovnader, Gud

– eit teikn på di pakt med kvar levande skapning.

ML | Vi kjem til deg med vår takk og vår song.

K | Vi kjem til deg med vår takk og vår song.

ML | Du er vårt håp.

K | Du er vårt håp.

L | Du kjenner våre liv. Ingenting er løynt for deg.

ML | Vi har gjort imot din vilje, vi bryt dine bod.

K | Vi har gjort imot din vilje, vi bryt dine bod.

ML | Tilgjev oss, Gud.

K | Tilgjev oss, Gud.

L | Du reiste Jesus opp frå grava.

I dåpen blir vi oppreiste til nytt liv med han.

ML | Som regnbogen lyser dine lovnader, Gud

K | Som regnbogen lyser dine lovnader, Gud

ML | – eit teikn på di pakt med kvar levande skapning

K | – eit teikn på di pakt med kvar levande skapning.

Denne bøna høversærleg godt i gudstenester med mangeborn. Ei gruppe born kan stå framfor kyrkjelyden og visa teikna. Dei i kyrkjelyden som ønskjer det, kan gjera handrørslene saman med borna.

Lyfte hender

ML/L | Kjære Gud, du er hos oss. Tenn ditt lys i oss.

Hendene i kryss framfor brystet

ML/L | Kjære Jesus, du går med oss. Lat oss få leva i din fred.

Hendene mot kvarandre framfor brystet med fingertuppane opp

ML/L | Kjære Gud, du ser oss.

Ta imot våre tankar og stille bøner.

Hendene strekte ut framfor brystet med handflatene opp

ML/L | Kjære Jesus, du tek våre hender i dine. Lei oss på din gode veg.

Vi held dei som sit ved sida av oss, i handa

ML/L | Gode heilage Ande, takk for at vi ikkje er åleine. Hjelp oss å sjå kvarandre med kjærleik.

ML | Heilage Gud, du som har gjeve oss livet i gave:

Takk for at du tek imot oss i dåpen og styrkjer oss i nattverden.

Lei oss ved ditt ord,

og gjer oss opne for det du vil gje oss.

Samlingsbøner med kyrkjeårsvariable ledd

Adventstida

Vi ventar på Jesus Kristus.

Han kjem for å bryta mørkrets makt.

(1)

Gud, vi er komne inn ditt heilage hus for å ta imot det du vil gje oss.

Vi ventar på Jesus Kristus.

Han kjem for å bryta mørkrets makt. Vi bed: Lat no opp hjarta våre, så vi kan fornyast i trua på deg.

(2)

Heilage Gud, vi er samla for ditt andlet for å møta din kjærleik og di sanning.

Vi ventar på Jesus Kristus. Han kjem for å bryta mørkrets makt.

Vi bed: Send oss din Ande

og gjer oss opne for det du vil gje oss. Lat ordet ditt slå rot i hjarta våre,
så Kristus lever i oss, og vi blir eitt i deg og tener deg i alle ting.

(3)

Gode Gud,

Vi ventar på Jesus Kristus.

Han kjem for å bryta mørkrets makt.

Her for ditt andlet bed vi: gjev oss lyttande øyre, takksame hjarte og tenande
hender,

så vi kan høyra ordet ditt, lovprisa deg for di miskunn, og i ord og gjerning vitna om
dine storverk.

Juletida

Julaftan

Du gav oss barnet i krubba

iden heilage natta då englane song om frelse og fred på jorda.

Juledag

Dulét Ordet bli menneske og ta bustad mellom oss då Kristus, frelsaren vår, vart fødd.

Nyttårsdag

Du gjev frelse og fred i Jesu namn og går med oss inn i det nye året.

Openberringstida

I Kristus ser vi din herlegdom.

Han er lyset i verda

som skin for alle folkeslag.

Fastetida

Etterfølging

Du kallar oss til å følgja Jesus,

han som gav avkall på sitt eige for å tena deg.

Pasjon

*Du gav oss Jesus til frelse og fred.
Hans død gjev liv og soning for syndene våre.*

Maria bodskapsdag

Du støyte stormenn ned frå trona og lyfte opp dei låge. Vitakkard deg for Maria som fødde frelsaren forvårverd.

Påsketida

Du reiste Jesus opp av grava og sigra over dødens makt.

Kristi himmelfartsdag

Du lyfte opp son din Jesus Kristus og sette han ved di høgre hand.

Pinsedagane

Du sende tunger av eld over læresveinane og fylte dei med din heilage Ande.

Treeiningstida – Allmenn

*Du har gjeve oss ditt rike i Jesus Kristus
og kallar oss ved din heilage Ande til tru og teneste.*

Dagen for skaparverket

Du sender ut din Ande og liv blir skapt.

*Du gjer jorda ny
og mettar oss med det gode.*

Olsok

*Du sende bodberarar
for å reisa krossmerket her nord.
Du lèt oss sjå den krafta som blir fullenda i veikskap.*

Bots- og bønedag

*Du tilgjев oss syndene våre
og kallar oss til dagleg å venda om.*

Helgemessesøndag

Vitakkard deg for dei som har stridd den gode striden, fullført løpet og halde fast på trua.

Du har sett oss eit evig mål hos deg.

Helgemessesøndag / Minnedag/ Siste søndag i kyrkjeåret
Du er den første og den siste. Din nåde er vårt håp og vår trøyst.

Konfirmasjon

Du tek imot oss i dåpen og er med oss alle våre dagar.

Samefolkets dag og 17. mai

Du harkalla alle folk på jorda til å vera eitt og til å leva i fred og rettferd.

For rettferd og fred / søndag for forfølgde / 8. mars / 1. mai

*Du har skapt alle menneske i ditt bilete
og kallar oss til å verna om menneskeverdet.*

10

Modell for lokalt utforma samlingsbøn

Tilsomme gudstenester kan ein brukar andre samlingsbøner enn dei som finst her. Bøner kan hentast frå ulike kjelder, eller dei kan formulerast lokalt.

- 1 Bøna skal vera eit uttrykk for tru og vedkjenning i kyrkja vår, og bøna skal vera liturgisk og poetisk berekraftig.
- 2 Det viktigaste i bøna er å gje ord til at vi er saman for Guds andlet, som fellesskap, som enkeltmenneske og som del av skaparverket. Bøna skal uttrykkja forventning og glede over møtet med Gud i gudstenesta.
- 3 Samlingsbøna kan leggja vekt på ulike motiv, til dømes:
 - Kvar søndag ein oppstoddedag
 - Jesu Kristi nærvær når vi er samla i hans namn
 - Å lengta etter å vera i Guds hus
 - Takksemd over å vera funnen og teken imot av Gud
 - Overgjeving til Gud
 - Dåpspåminning
 - Å vera open for det som Ordet gjer i våre liv
 - Samlinga om Ord og sakrament
 - Kallet til oppbro og etterfølging

11

Samlingsbøn når det har hendt ulukker eller katastrofar

Når ei ulukke eller ein katastrofe har ramma lokalsamfunnet, nasjonen eller eit anna område i verda, er det naturleg å la opninga av hovudgudstenesta i kyrkjelyden bera preg av det.

Dette bør gjerast når ulukka og katastrofen er av ein slik art at det vedkjem heile kyrkjelyden, eller når hendinga er allment kjend og kyrkjelyden såleis er klar over kvifor dette blir nemnt. Når ulukke og sorg gjeld

ein eller nokre få i kyrkjelyden, er det meir naturleg å ta dette med i forbøna i gudstenesta.

Eitt eller fleire høvelege bibelord kan brukast der samlingsbøna elles har sin plass, til dømes: Sal 130,1–2; Sal 38,22–23; Sal 44,25–27; Sal 10,1; 12b; 14.

Saman med eller i staden for bibelordet kan ein be ei høveleg bøn, utforma lokalt eller henta frå Sørgjegudstenesta, *Bønebok for Den norske kyrkja* (sjå bøn nr. 144, 145, 146 og 163) – eller andre kjelder. Som bøn kan òg eit velvært salmevers brukast, til dømes N13: 747, 749, 750, 751 og 678. Bøna kan innleiaast med nokre ord om den aktuelle ulukka eller katastrofen. Dersom ein bruker bibelord, kan liturgen seia:

L | Våre ord kjem til kort i møte med det ufattelege. Lat oss difor henta ord frå Bibelen til vår klage og bøn.

Etter bøna kan det vera ei stille stund, som kan innleiaast slik:

L | Lat oss vera stille i ettertanke og bøn.

Ein tilrår at gudstenesta held fram med Kyrie eleison eller eit høveleg kyrielitani.